



مؤسسی
محمود جلال الدین

تاریخ تاسیسی
۱ مایس سنه ۱۲۹۷

تاریخ طبعی
۱۰ جمادی الاخر سنه ۱۳۰۳

بورسالهء ادبیه جمعه ایرتسی کونلری چیقار

سردار پاشانک یوم ارتحالنده افاخم ادبای عثمانیه دن
سعداه پاشا حضرتلری طرفندن بالبداهه سویلنمیشدر :

قطعه

محیم محشره قوردقده هجوم اردوسنی
هب سلاح ارقداشک طوپلادی سردار پاشا
دوشدی ارواح شهیدان قریمک اوکنه
یوریوب جنتی فتح ایلدی سردار پاشا



اکرم بک افندی حضرتلرینک آثار مترجمه
حکمیہ لرننددر :

هر ملتک ادبیاتی کندیسینک تصاویر احوال
وکیفاتیدر .

مالک اولدیغمز کتب اخلاق ایچنده اکثریا مراجعت
ایتماز لازمکلان کتاب کریم وجدان مستقیمدر .

لسان اعضای وجود انساندن بر عضو درکه اکا
نظراً اطبا و جودک و حکما روحک امراضنی کشف
و تفرس ایدرلر .

عبد قول ایله قلبه معبود ایسه قلب ایله قوله حکم
ایدر .

یلانلر ایچنده بزه اک زیاده مضر اولانی کندی
کندیزه سویلدیکمزددر .

بشقه‌سندن کورمه‌که تحمل ایدهمیه جکک معامله‌نی
اخیره ایتمه .

—
عادت بلهانک دستور العملیدر .

—
عطالت او قدر بطی السیر درکه فقر و ضرورت در حال
ارقه‌سندن یتشور .



غزل

عکس حسن یار اشک چشم بی فردن کچر
فلک کوهر در او کویا بحر احمردن کچر
یکتن اولق ایسته‌ین اوکلبدنله عاقبت
پرهن وش سینه سین چاک ایلوب سردن کچر
هه ب بو لعبتگاه دهرک روز وشب مهر و مهری
ایکی طفل نازنیندر صانکه چنبردن کچر
قامتک سیر ایلین طوبایه ایلرمی نگاه
لعل جانخشک اوپن البته کوثردن کچر